

松
風
閣
詩
鈔

松風閣詩鈔

長洲 程章詠裁

卷十四 金井集 古今體詩四十五首

潘補之舍人

希甫

春闈迴避詩以慰之

虹光劍氣那能平百戰終當一矢爭定作咸豐年進士
生憐桃李滿春城

愁余老大詠槐黃銀海生花點筆忙藥省替人誰寂寞
蹉跎斑鬢有潘郎

錢伯瑜中丞囑繪金臺話別圖卽題一首

剪燭西窗又十年綈衣相見扇湖邊蒼顏白髮都非昔

綠水青山別有天安撫單車曾著績

聖明側席正求賢如何出岫雲歸去飛絮金臺情黯然

偕魏麗泉大司馬元煥全小汀少司寇慶入闈考

試教習和聚奎堂壁間王衷白先生韻

鎖院春歸綠意深高樓古樹舊登臨

明遠樓前古槐一株余任京兆丞時

會陪卓海帆相國登臨吟詠

當年校士從京兆此日論文共翰林展

卷一燈人寂寂閉門三宿雨沈沈

朝廷特重經師職鑒別何堪負夙心

教習皆爲咸安各學師

題安溪李師村明府

景韓

定海送行圖

海邦賢宰有清聲臨別攀轅父老情雉堞山光開萬戶

蛟門潮氣送雙旌傳家經術餘風遠及物仁心惠政成
讀畫如披循吏傳他年青史定垂名

送選拔 朝考下第諸生回里

金自九州貢錢因薦選難囊書辭故里驛馬去長安鸞
鳳栖無定雲霄路尚寬鹿鳴來歲詠重見我心歡

初秋夜坐金井梧桐室作

微涼燈火近旅館欲黃昏日落雞栖樹月高犬吠門鄰
稀煩夜柝地僻似孤村古井人來汲時聞笑語喧

送崇安彭生 希宣 回閩

宗派西江共淵源異地親

余與生皆祖籍江西

芝蘭森秀采珪璧

重儒珍惜別山川迴題詩翰墨新武夷探九曲還欲訪
斯人

白雲亭詠懷

折獄期無枉烹魚詠釜鬻光逢

恩赦日應體

聖人心廊鶴無虛警林鴟有好音寄言司法者無爲重
沉吟

送陳子鶴尙書告養歸里

綸閣辭歸作散仙移家船放菊花前同堂判牘無多日

與同刑部

對案揮毫記十年

同直樞
廬十載

得路驂騑馳峻阪

忘機鷗鷺戀江天
版輿何處娛晨夕
楊柳金閨鎖暮煙

聞先至

蘇州

宗工化雨遍東吳
詞賦曾叨賞鑒殊

吾師雪香先生視學江蘇甲戌春蘊

章以詩賦受知蒙許翰苑才

翰苑賜袍虛厚望
樞廬聽漏老吾徒
驚

駘十舍追龍馬
燕雀三霄侶鳳雛
共沐

國恩遷秩早排闥
披腹願非孤

天涯我亦倦遊人
歸計蹉跎白髮新
垂老何時圖報

國羨君此去爲娛
親漫誇世闊多才
子只頌

熙朝有諍臣
况詠伐檀廉節著

璇題四字炳星辰

上年蒙賜清正良臣四字匾額

一鞭遙指水雲鄉吳越山川道路長自有詩篇繼臨海

元詩人臨海陳剛中有玉堂等集

豈惟爵里似漁洋

王漁洋山東新城人

今君籍隸江西新城

言歸重訪釣遊伴未識來從政事堂衣服斑

連萊子熊肩隨還欲訂元方

令兄少拙觀察關中

新秋淀園寓齋

馬蹄才了繞城隈行到湖邊古寺開高樹蟬聲隨雨歇
疏簾花影傍人來池荷搖落催黃葉庭石嫋嫋繡綠苔
侵曉翦燈看封事不聞

宣召飽餐回

送吳補之學士

光業

歸里

秋風木葉下蕭蕭倦客投簪泛畫橈長我一年應異席

思君千里始今朝宣房舊事猶彪炳

君前在東河隨王文恪相國治河有

功樞院朋儕半寂寥聞說元龍豪氣減扁舟共趁暮江

潮

與子鶴尚書先後同歸

送吳清如農部歸里

季重才高詩思清頓頓七子早知名鳳池別後推前輩

烏榜歸來少宦情已有青箱藏著作何妨白眼傲公卿

家山正好評風月吳下吟壇待主盟

問梅詩社漸歸零落待君振之

八月十七日奉

命戮湖南逆賊於市

地本獠獠雜年飢起亂民渠魁非有勇薄俗不安貧烽
火連山谷鯨鯢困水濱縱教車裂徇難謝粵黔人

李逆擾至

廣西
貴州

夜宿淀園寓館

一夢蕭條旅館空夜深人靜扇湖東孤燈欲滅閃如電
野柝將殘淒入風繞砌蛩聲秋寂歷當窗花影月朦朧
披衣待漏趨朝去萬壽山頭旭日紅

送馬燕郊

劍

周仲建

士鍵

家簫九姪

鳳高

下第南

歸

濟濟金門彥青雲路未通迴車望南極旅館正西風屬

躡三千里棋輪一局中退飛渾不倦豈爲羨冥鴻

九月十八日護送

宣宗成皇帝梓宮奉移

慕陵行至半壁店恭紀一首

雨露深仁配彼天攀髯慟哭鼎湖前責躬

遺詔垂千古商物辰謨紀卅年雷電頓收星皎皎

是日雷電

大作旋卽風掃雲開豁然晴霽旌旗前導路平平百靈呵護昭休應孺

慕

宸衷懷奉先

二十三日奉

命恭詣

慕陵祭告山神禮成恭紀

尺地皆

皇土羣神盡

帝臣敢教魍魎舞奚待醴牢陳

聖孝明禋格山靈肸蠭申瘞埋尊九拜吉壤奠千春

十月朔夜宿內閣追懷丁卯橋

泰

陶星江

惟輝

吳

小穀

清臬

王若溪

積順

諸同直

藥階一別幾春秋襍被重來憶舊游似水年華增感慨
昔時朋輩想風流孤燈影裏懷陳事落葉聲中惹客愁

賸有梁鴻還賃廡烏曉霜冷思悠悠
當時同直存者惟梁吉甫居憂倚寓

門吳

十月初二日

上御紫光閣閱武進士馬步射侍班恭紀

星斗闌干出禁中
平明高閣日曈曨
虹橋警蹕嘶天馬
御苑張侯射畫熊

黃幄開時迎曉旭
金鎗和處控晨風
遙知題柱需才急
瘴雨蠻煙路未通
時粵東西小醜未殄羽書時至

雪後大風過盧溝橋

風饕雪虐古幽州
策馬春明記舊游
鞅掌黃塵今最甚

一年七度過盧溝

南方嫌暑北嫌寒天養衰年亦大難橋下清波今凍合
照人皴面鏡同看

涿州旅次憶去年除夕宿此寄示慰高

漫河風雪十分寒

去臘漫河遇雪至涿州始晴

與爾同歌行路難賴

有細侯來夜話

郭忠山刺史

旅筵除夕燭花殘

重過樓桑歲又寒秋風爾已去長安邗江冰雪來時見
此去蒲帆路自寬

蹉跎強仕感華年王路馳驅緩著鞭跋涉不虛千祿願

儒林末秩重前賢

丙戌年余得教官石琢堂師贈詩有一宮尙喜在儒林之句今慰高考取

學正而歸亦喜
不外儒林也

聞說吳儂又告饑蘇家二頃僅餽糜敲門更恐催租劇
風雨重陽攪我思

十月二十日恭詣

西陵查工過易州召棠書院有感東恒宜亭少司寇春

甘棠芟憩慕前賢旅館重來記十年

庚子十一月隨扈西陵隨隆雲章

大司農赴易州獄獄同事爲識獄當時隨

豹仗庀材此日到龍泉

慕陵地名龍泉峪

陳兵粵海吹鏡令

次

雲章先生參贊粵東軍務卒於粵

治粟邗江解組便

雲舫旋任漕帥未幾罷官

只有

蘇公同執法

宜亭今任少司寇余亦兼權是職

白雲亭上話纏綿

涿州贈郭忠山刺史

寶勳

坐領名州近

帝京往來幾度蓋頻傾已慚綸閣推前輩

君在內閣余忝爲前輩

况辱萊衣作後生

令剛問業於余

除夕寶筵繁舊夢

去冬自閩還京在涿

州度歲

霜辰挈榼感今情桃園咫尺誰堪問定有鄉心系

錦城

題丁南羽畫十八羅漢像

南羽畫羅漢一一形倣儻白描筆更工丹青何足倣長
老十八人或坐或俛仰或舉足並行或凝神遐想或申
臂擎塔或垂眉拄杖或龍見虎馴或扇攜帚享肉袒起

恭敬白佛乃合掌幻相詫通神
濡毫懷幽賞釋典入中原
像設流傳廣縑素寫真形
萬里傳惓惓寥寥武梁祠
圖繪聖賢象

待雪懷顧杏樓太守潯州

望歲愁冬暖雲濃雪欲來
閉門炊活火擁絮酌深杯
粵嶺烽煙暗燕山節候催
無緣逢驛使遙寄一枝梅

得夢白書

多病臨戎幄衰年入瘴鄉

主恩猶未報壯志詎能忘
蔓草除難盡空卷撒更張
雁書來萬里中夜起傍徨

喜雪

庭樹靜無風寒燈明一穗兒童排闥來喧言雪花大索
米住長安喜見豐年瑞痛飲柏葉尊薄醉擁衾睡

夜意

樓外鐘聲斷續窗前月色朦朧半甌香稻浮綠一粟燈
花綻紅

歲暮懷江陵叔里居

白雪光中逼歲闌故園高卧十分寒閒鷗有夢還鄉穩
獨鶴無栖得食難不見軒車過陋巷曾攜書劍度危灘
何時重與論經詁更似聞山舊日歡

雪後望月

雪月夜交輝寒光入素幃樓高千尺迴人定一爐圍皓
羽渾無色紅塵靜不飛推窗遙望處歷歷衆星稀

十二月望後因病乞假五日

休沐旬剛半端居觀我生微病勞暫息垂老歲將更有
道終危行無才少宦情東南頻水患幾輩困躬耕

在閩得武夷九曲圖周翼亭

經

畫也宗山爲摹一

卷筆更超脫因題卷後

我行至麻沙武夷近百里慮煩供億勞欲行還復止閩
人贈此圖煙雲收尺咫攜之到燕臺什襲珍包匭袁生

畫筆工揮毫得神似更無斧鑿痕如青出藍矣勝境惜未躋卧游亦可喜獨往待何時身在紅塵裏

輓董琴涵觀察

憶昔問梅社追步諸名宿我年稱最少君才尤卓犖游覽選佳辰旗鼓詩壇角君旋莅點蒼劇郡銅符握余亦濫朝簪橐筆趨東閣長安曾一遇尊酒歡然足移節五羊城瓊雷浮海舳艫政久云疲攝官土復沃萬里正恬波忽憶東籬菊鶴市歸杜門鱸堂還善俗君本富詞章桑梓情尤篤陶成吾黨才經畫司城粟九邑歎鴻啓萬口逃魚腹矜式在羣倫高義恥君獨鄉閭得一賢庇蔭

及空谷猶憶閩南歸家園古歡續拜跪已難勝笑語還
相勛相見曾幾時相別又何促風花瞥眼過門庭降災
鵬燕吳路迢迢千里登高目終孤會葬情徒慟寢門哭
壽考且康安已備人間福逝矣我何悲流譽千秋馥有
時返故鄉宿草青山麓當與諸先生詩社同尸祝

堂花四詠

牡丹

富貴何嫌早先春已著花未堪張翠幄只合護窗紗雪
夜蒸濃露霜天落片霞十分顏色好不照野人家

長春

乞得仙家種韶光終未闌春來先弄態老去更還丹
磬口含冬雪檀心破曉寒黃羅憐袂薄莫漫倚欄杆

紅梅

脫盡高寒相強爲時世妝占春空有色出窖根無香
玉女酖顏換瓊樓紫貝裝如何抱仙骨浪入綺羅鄉

碧桃

頃刻花開處三千一實時何因芳訊早只怨暖風遲
青鳥栖雙翼藍泉漑滿枝最宜春夜宴秉燭照華菱

松風閣詩鈔

長洲 彭蘓章詠我

卷十五 金井集 古今體詩八十首

元旦朝賀禮成恭紀

咸豐元年

聖皇御寓建元初朔旦風和淑景舒萬國衣冠朝

鳳闕

九天雨露降龍書

求賢喜見羣才集

綏遠從教上策據今日鷁班來舞蹈豐年欲頌兆維旗

柏靜濤家宰爲題朝天集卽次元韻

閩嶠乘輶職采風苦心都在一編中每懷往昔高蹤遠
何幸時賢素志同隻手轉圜公任重仔肩分荷我才窮
去冬昌西陵地余勘有沙水公奏請改營於望仙山品評喜見新詩出比到
朝鮮律更工公前使朝鮮得詩一卷余曾題句

正月十五日扈

蹕恭謁

慕陵駐黃新莊恭紀

彤雲如欲雪風勁忽吹晴

大孝神斯格

湛恩民樂生

元旦有旨普免天下民欠錢糧

深宮修法紀王路見澄清

宵旰求賢切

上年特命中外大臣保舉才德出衆之人次第錄用

丕基繼述情

十九日隨班

慕陵禮成恭紀

屈指小祥逢上辛祈年大典肅明禋

正月十四日週歲典禮因遇祈

穀改於十五日十九日恭謁

啟鑒慕陵

致齋壇宇禮云備

躬奠

几筵情未申儀衛森嚴遵大路

至尊哀慕動羣臣

隆恩門閉猶揮淚遙望

橋山優渥親

秋蘭行幄晚次

行幄烟光冷斜陽墮嶺西雙橋雙嶺飲一樹一鴉栖春
草縈青嶂冰流瀉碧溪僕夫非况瘁周道盡平隄

湯惇甫師贈游龍杖賦謝

仙人攜綠玉嘉植本游龍入手輕於錫齊眉瘦比筇能
消幾兩屐好踏萬山峯策馬紅塵裏難尋物外蹤

百一詩

君子喜聞過止謗在自修有容德乃大不比故能周旋
直雖當戒交誼亦可羞辯言出侃侃職業殷綢繆所期
在共濟豈復避招尤毀言入我耳譬如藥石投省躬鞭
怠情養氣屏虛浮因茲圖進德何用懷隱憂

君子交雖絕誓不出惡聲何況同袍澤黽勉保令名榮
辱固有定毀譽豈無憑荒途多荆棘涉世戒任情激烈
道所棄謙抑得其平多言無乃躁淵默斯不爭返已知
有失悔過善自更守彼金人戒庶幾玉汝成

吳補之同年屬題先世雲衣先生石門詩意圖卽

送歸里

石門山色畫如眞欲問桑麻戴角巾

雲衣先生仕建始令時作

留得

筠瀾篇什在

先生所著詩名筠瀾集

最難循吏是詩人

楚國山川秋氣清侯來竹馬競將迎
河陽滿縣花如錦啼鳥檐前送喜聲

名德家聲振後賢翰林風月藥階烟
歸舟載得圖書去魚鳥江湖別有天

鳳池十載共揮毫此別應教夢想勞
清白但堪貽後世笑看餘事盡鴻毛

贈陶鳧薌太常

早聞泮水賦重遊

先生於去年重游泮宮

憶脫青衫五十秋徵詠

千言還倚馬尋芳十里不扶鳩故園并乏就荒逕宦海
真如不繫舟喜與後生同秉燭烹茶掃雪想風流

是時春雪

甚濃

良鄉追懷周晴溪大令

昔年乘傳賦南征冠蓋將迎第一程付我家書投故里
適君高館傍巖城重來已赴修文召三過頻教旅感生
莫歎簿書終潦倒口碑載路有賢聲

恭逢

恩詔以第四子祖賢爲二品廕生用六部主事二月二
十八日率同

乾清門謝

恩恭紀

堯廷延賞煥

絲綸共效嵩呼觀

紫宸

政在求賢收夾袋

恩叨任子許垂紳八傳科第家風舊累葉簪纓

帝澤新只愧無功膺

上賞焚香勉作不欺臣

寄陳子鶴蘇州

脫屣功名一笑中移家船去泛江東吳儂半醉紅塵裏
大好湖山屬寓公

虎邱山翠繫人思憶昔尋芳鬪酒卮佳景至今忘不得
白公祠畔桂花時

懷楊雪椒光祿閬中

朝衫脫後幾春秋我到閩南續舊遊愛向名山聽梵唄
每逢佳景放清謳荔支飽啖鬚眉潤榕樹成陰歲月遒
可憶當年勛寺伴黃塵一榻夢滄洲

易州懷古十二首

釜山蒼翠照城東涿鹿班師駐有熊掃盡銅頭經百戰

授符元女助神功

甘棠茂憩繫民情北地分封帶礪盟驅馬黃金臺下過
於今誰是郭先生

故鼎還燕未策勛忽聞騎劫代將軍火牛適中田單計
千載傷心昌國君

秦國并吞似虎狼甘羅說趙五城亡仰天一哭烏頭白
詎料遼東更徙王

將軍頭可贈知己壯士股宜斷寇庭一箇藥囊千古恨
送荆徑畔草青青

酈生妙計塞蜚狐驃騎屯軍萬甲呼此地山川分代郡

九邊寶氣入雄圖

王譚不作美新文歸隱青山卧白雲
建武中興封爵貴
五侯故宅弔斜曛

涑水東趨拒馬河
劉琨擊楫渡洪波
襦襜誰可長城撼
石勒孤軍亂鸛鷺

石龍騰沸馬跑泉
曾駐三軍貞觀年
聞道虬髯勤遠畧
旌旗十萬渡朝鮮

牧馬悲鳴塞草秋
紫荆關北接祁溝
休哥暗絕曹彬道
鼓角聲淒到易州

敵騎奔城折虎旗
五花樓住契丹兒
宣和已歎王綱弱

遼將猶降郭藥師

白馬山中斷俗氛
洪崖頂上雪紛紛
煉丹人去今千載
留得石牀栖白雲

詠物六首

孤鶴芝田得食馴
翮飛一旦出紅塵
雖無負重垂天翼
潔白還堪謝主人

龍媒千里簡浮雲
上將乘之掃一軍
自服鹽車登峻坂
可憐凡馬竟同羣

秋鷹脫臂勢摩空
搏擊雲霄趁疾風
飢雀啁啾栖不定
摧殘毛羽一拳中

錦裝馴象態嶽崑崙立丹墀達貢琛一旦驅來貔虎陣
昆陽股戰笑王尋

燕語雕梁聲最柔飄搖風雨不須愁飛鴉啼處兒童惱
浩蕩忘機只海鷗

黃犢驅來十畝間一犁春雨傍柴關不逢寧戚誰相飯
白石南山足力孱

鳩工易州夜坐魯班廟讀州志作四首

入林深處少風埃榻後軒窗背嶺開山月漸移花影去
松濤時挾雨聲來運斤誰比公輸巧拒馬還思越石才
此是昔年征戰地城樓殘角客愁催

黃金市駿築臺年擁篲迎門上客延樂毅二城難報主
荆軻一劫速亡燕徒餘慷慨悲歌士莫挽蒼茫未定天
試上戟山高處望長城如帶草如烟

州城外有
長城故址

花石朝廷王氣終窺邊萬馬契丹雄并州老將征鞍冷
上谷孤軍斗帳空韓范旌旗成往事遼金鼙鼓動悲風
於今四海爲家日直北關山納賁通

三易橋頭慣問津五公山下往來頻欲呼奸魄誅馮道
爲弔忠魂祭郭璘上蔡英風終罵賊范陽陰德竟通神
漫言地僻無文獻不少千秋磊落人

深山風雨萬籟悲鳴獨坐挑燈淒然賦此

豪竹哀絲未是奇
龍吟虎嘯聽生疑
歌來易水箏琶壯
路近

橋山風雨悲殘響
猶驚栖鶴夢新愁
并入旅人詩憶隨
豹仗曾經此
戊戌秋隨扈至梁格莊日暮
交舊星稀欲
語誰
大風驟至如聞萬馬之聲

山村初夏

天空不見片雲飛
明月疎星照翠微
雷出自然消沴癘
春歸無復鬪芳菲
晝看柳絮鋪樵徑
夜聽蛙聲傍釣磯
送盡番風花事歇
一簾紅雨綠初肥

山行偶作

榆錢滿地午風狂幾日山中策馬忙千嶂削成撐秀骨
萬松圍處撲幽香林間好鳥如相喚澗底新泉許共嘗
三斗紅塵今滌盡壺中日月算方長

憶昔用轆轤體塗次涿州作

憶昔春官下第還敝車觸暑叩柴關有時駑馬成驄馬
無術衰年換盛年貴賤原知身外物往來猶是眼中山
只愁終老紅塵裏孤負吳江月滿船

五月二十六日奉

命入直樞廷紀

恩一首

橐筆螭坳近

帝閣今來重訪舊巢痕十年蹤跡風霜飽幾輩知交笑
語溫諷議多慚三事職遭逢感荷

兩朝恩何人夾袋藏名字師德無言道更尊

送朱愼菴

應元出守慶陽

十年樞院慣相隨喜見鳴騶出一麾地瘠廉須從儉養
風淳官可作民師東山夜月懸書幌西塞秋雲拂畫旗
此去灞橋憑眺處何人驢背更吟詩

月夜閒步

手執游龍杖清宵步月廊白榆天上種丹桂露中香終

勝吹燈坐無殊運簀忙習勤腰脚健還欲陟吳岡

題圓妙觀七星池圖

元都觀裏多仙蹟聞說清池應七星仰視瑤光明紫極
三吳文物地原靈

策馬金臺鬢點霜閩山乘傳偶還鄉問梅舊友皆黃土

賸有丹椒薦一觴

已酉歸里祀問梅詩社先賢於此

六十述懷百二十韻

人生重壽考六十乃曰耆迢迢周甲子幸免短折罹嗟
余少薄祜喪父生及笄入齡痛喪母祖母年亦衰煢煢
無怙恃伯父乘驄歸慨然念同氣恩勤撫孤兒有過必

寬宥諄諄教訓施効勿加夏楚婉言向塾師甫及成童
日伯父又長辭自憐不祥人羸孱慮難支清夜內鞭策
孤燈照涕洟寒暑恒伏案諷誦無虛時青衿年十七伯
母顧樂之自喜教養成會躡青雲梯伶仃方有室人事
歎不齊伯父終一子玉堂名早馳三十忽徂謝伯道竟
同嗟愴惻埋喪葬敬恭奉哀遲育子爲螟蛉烝嘗躬奉
祠伯母遭家難沈疴僅哺糜苴苒旋棄養卜葬西山陬
言終衰床禮始復親文詞吾性愛閒適科舉非所宜世
業不輕去勉學於斯詞章并經詁旁及斯邕碑凡吾
所嗜好奪此千祿思十年始一舉求名心已灰强行偕

計吏屢擯於有司車馬六千里往來筋力疲道光初元
冬發憤住金臺勵志求良友長安歲籥移春官凡五試

曲木大匠遺當授學官職

丙戌大挑當選教職

翻然故里同里中

諸老宿結社號問梅

吳中問梅詩社創始黃蕘園石琢堂兩先生暨先叔父輩間公余於

乙酉夏入社叨陪末座後韓桂舫吳棣華董琴涵諸先生歸里先後入社

春秋選佳日尋芳

會以詩支硎鄧尉間著屐相追隨吾廬有小園三年薤

艸萊養魚更種竹疊石還編籬自春及徂夏幽香百卉

腴頗有終焉志豈期與俗諧淺識守無定山濤進以貲

戊子援例入內閣

紆佩入薇省簪毫趨鳳池校文詣天祿角藝

肩棘闥未遂雲霄志先抱黃門哀欲歸歸不得身如馬

絡羈因循改寒燠始返江之湄燕巢雖無恙鹿車願已乖傷哉秦掾宦徐淑死別悲我無十萬俸亦營葬與齋移家出山去重此理征衣江湖秋浪濶數口一航依登車始出險芻秣臻

帝畿賃廡黃塵裏何能效委蛇幸終題雁塔無分踐金闕改秩分虞部叨榮進一階是時濫樞直已將考績期先於辛卯記名軍機章京癸巳充補至乙未成進士已將三載論資欣有日奉職勉無違泥塗策駑馬寒宵候鳴雞吉行隨

豹仗山川路透迤再擢爲郎官積日當一麾羽檄走連騎海氛類張鷟

至尊憂宵旰軍書剪燭裁

俯念臣微勞拔置清卿儕鴻臚及勛寺京兆亦襄治一
歲三遷秩

禁籞仍徘徊泊副銀臺使爲丞宗正陪官閒政稍簡篇
什重尋窺矻矻老鉛槧安知是與非旋膺學校司閩山
駕四駢自維無才望不足樹師儀此邦多先哲晦翁道
統持漁仲攻經術聞見日益恢廣刊古格言啟施行與
知髦士設鄉學考亭賢裔培西山豫章後共勉勿荒嬉
勸善誠不倦懲惡亦用威養苗必鋤莠庶使嘉穀滋海
濱土風劣疾至始求醫幸未膏肓入疾在心與脾藥石

療乃已自我數莖髭兩兒來省視舉室念天涯秋風同
度嶺省墓家山栖嚴冬棹揚子淮水冰流漸孟陬月初
吉謁

帝三無私

內殿名奉
三無私

聖心念民瘼清問及災黎本貳冬官職秋卿兼攝咨復

命日

命兼署刑部
上郎

幾日痛攀髯鼎湖龍上飛

橋山遺弓劍

蒙賜遺
念衣服

瞻仰中藏摧百職進奔走司空

掌庀材舊章勤稽攷求免愆忘訾

先皇未憑几鶴馭返

慈暉及茲營吉壤卜地仙山隈

奉

命營

昌

西陵地在望仙山南華

蓋山 避風兼避水所懼昧先機先機如一失補救亦云
微視彼構堂宇猶貴植其基况圖千秋固重若莫鼃維
所恃同官賢清白皆不欺盼此歲功後山林騁幽懷忽
聞鴈異數

宣召入綸扉平生無樹立居寵當思危自念幼荼苦樗
散成不才竊祿既逾分延賞

君恩推

四子祖賢
膳戶部主事

恩

惟守素餐戒敢誇抱負奇知

非年五十伯玉令名垂今人不逮古六十當莫嗤晚節
道尤貴如玉去其疵不聞忼慨歌廉吏貧無疑但憂青
蠅玷豈恤黃口飢比年江南北元冥頻告災救荒無善

策蓋藏乏京坻昔時千鍾粟今或斷晨炊昔時數仟堂
今或處茅茨歸田良不易才子臨路歧薄收方司令清
商夷則吹余七夕生荷榭零珠露槐庭扇涼蕤所願多秋稼
屢豐萬國綏懸車書誓墓何用問著龜南園有老屋策
杖柴門開闢圃種黃菊上山采紫芝擊壤戴

堯日長歌歸去來

八月初十日

宣宗成皇帝誕辰

上詣

壽皇殿命隨往行禮恭紀

華渚流虹七十春

嗣皇追慕感今辰言勤

法駕瞻

遺像祇謁

闕宮攜近臣

便殿從容如昨日

橋山杳渺隔凡塵今年三至龍泉峪一徑松楸雨露新

蒙 賜香櫟恭紀

厥包來楚貢出匣帶微黃照水橙同色綠山橘共芳

九重新拜

賜五合好焚香斗室清芬滿無煩辟惡方

閏八月三日蒙賜

御製御門聽政示諸臣詩墨刻恭紀

虎門聽政肅朝儀

宸翰親題倣庶司

基命一心盟夙夜在公百爾勉猷爲中天法戒期無曠
東魯名言稟勿欺况履

絲綸嚴密地敢忘

至教負

君師

送舒雲溪少司農權篆節制陝甘

禁籞追隨刻漏長，忽聞開府到平涼。
纔持玉尺羅佳士，喜見牙旗指故鄉。
塞上宣威攜健將，馬前臚拜擁諸羌。
灞橋風雪吟情劇，定有新詩付錦囊。

又送雲溪作

西風吹木葉，之子隴頭行。
樽酒難爲別，河梁無限情。
邊氓資碩畫，蕃部震威聲。
策馬歸來日，春明歲籥更。

九月朔日奉

命偕定郡王暨基澗野內府

溥相度

萬年吉地恭紀

平生未習青鳥術

帝曰欽哉詎敢辭幸有賢王爲表率更求方士作師資

地師爲前河帥文一飛冲甘石安農部熙欽天
監挈壺正司智博士方達江西羅上舍萬象

金甌本是千秋固

玉牒從教萬歲期盡道司空時地利山川封域匠人知

時余任
冬官

馬蘭峪贈慶秋泉總鎮

錫

薊門烟樹帶

恩光度地相逢策馬忙鈴閣輕裘推重鎮金章華閭本
天潢山城佳醞浮樽碧古寺深秋落葉黃

衆殷檢書如昨日詎知七度換星霜

乙巳四月

借秋泉
實錄同

詣乾清宮三日迄今
不覺已七閱寒暑矣

登平安峪復至成子峪作六首

望山不見高陟之乃知峻筍輿踏葉行白雲封前徑
登高足力疲聊憩松陰下席地酌清泉歸途仍策馬
聞道蒼龍背擎天萬丈高蜿蜒通一脉碧嶂拓平皋
千疊琉璃屏山南趨忽西折斜開成子峪雙峰森尖峴
昌瑞山形正真龍趨

孝陵金星

山名

當面拱萬笏仰天庭

石橋冬水涸驅車橋孔中想當春泉下碧浪跨長虹

登塔子山望馬蘭峪

千家烟火聚山坳，雉堞回環守望勞。
一塔有情如作鎮，重陽無會獨登高。
嶺頭日出開濃霧，松杪風生吼怒濤。
未必秋光盡蕭瑟，東來紫氣滿晴皋。

杜高壘盆菊爲山重九前二日偕袁宗山茂才方

蔚卿

錫恩

張日卿

元鼎

兩孝廉秉燭同玩作詩

索和

昔年獨學廬菊塔名初起

石琢堂先生於獨學廬疊菊爲塔招飲徵詩

今乃

磊成山雖頑亦可喜，自余住東華還家日少矣。茲因賦

東征

時將赴東陵辭

陸歸私邸觀此菊花叢不飲將何待秉燭爲夜遊吾黨
二三子旣飲必徵詩唱之自我始我方去尋山山中風
日美菊山不可登登高薊門耳來朝秣馬行紅葉山如
綺

松樹溝小憩

猶是岡巒勢形家曰不宜未妨聊繫馬何事更鑽龜風
起聽松吼澗深履石危清泉堪試茗掃葉話移時

寓齋微雨觀地圖作

旅館飄寒雨看山且少休漫誇筇杖健須向土圭求腰
脚千巖穩畫圖尺幅收靜觀知脉絡輿地志旁搜

喜錢警齋自遵化州來訪

早聞作客遊遵化，今喜他鄉遇故人。
爲我脂車勞遠涉，與君把盞更相親。
十年蹤跡風花過，一榻琴書學業新。
別去殷勤期後會，鶯啼艸綠上林春。

贈文一飛前河帥

水曹未及托同官

余至工部君已外簡

度地今來共據鞍，却病只

求宏景術，歛吟莫似孟郊寒。青鳥方伎山經熟，白鶴閑

蹤雲路寬，還欲與君西向笑。

同京後再往易州

飽看千樹晚楓丹。

薊州卽次

羣山東走繞城樓此地經行又幾秋

前因隨扈
屢經過此

黃葉亂

飛天欲暮白雲作態雨初收霜晨筇杖千巖踏客路茆
堂一榻留四牡駢征畿甸近只須信宿到

皇州

三音薩碧室四詠

余顏所居室曰妙吉祥穆清軒京卿

藍

爲譚清

語曰三音薩碧因乞何根雲少宰書之而系之

四詠以當箴銘

任天

其來非自致受之乃任天仍當勞經畫詎云聽自然

朝便莫厭黃塵車馬喧

十二月十四日蒙 賜

御書龍字恭紀

幾暇揮毫墨瀋新

御門詩已遍華紳春秋蕊榜羅佳士龍虎

璇題賜近臣

別賜御前大臣虎字各一方

宸翰頒來輝藻火天門跳處想精神豫占改歲豐年兆
定有甘霖潤入垠

松風閣詩鈔

長洲 彭蘊章詠莪

卷十六 賚馬集 古今體詩九十首

壬子元旦蒙

恩賜紫禁城內騎馬恭紀

溫室從容遍問年臣生六十感華顛循牆古訓思三命

攬轡

新恩下九天鳥道王尊曾叱馭閩嶠三年日度崇山峻嶺龍驤祖述

愧先鞭道光辛丑欲從隆雲章參贊南征不果征鞍未解蠻煙暗 中禁

鳴珂思悄然時日盼粵西捷音至

題柏靜濤冢宰 盛京賦卷

本是凌雲作賦才，陪都會控五花來。
班張鉅製千言富，豐鎬雄圖萬里恢。

帝業龍興階尺土，臣謨虎拜領中臺。

彤廷喜起賡颺盛，調鼎方資傅野梅。

初春趨朝口占二首

咫尺東華便駐車，月明宮樹夜啼鴉。
清燈一盞趨朝路，撲面春風吹雪花。

退朝漸覺孤裘重，歸去生憎馬足遲。
輪與相公腰腳健，

驂騑雖好不須騎。

春浦相國退朝時每卻馬不乘

百舌

籠中百舌鳥能爲百種聲或學雞與犬或如燕與鶯鼓翅常自樂得食更有情惜哉聲不定如人患無恒未有心得與世漫爭能多好技終難厭故學難成譬彼琴瑟奏亂之瓦缶鳴未若專一者不混主人聽

莊衛生太守

受禱

至京書贈

望海樓頭發浩歌相逢京國意如何迂儒螭陸空簪筆壯士蠻荒尙枕戈祇盼捷書傳桂嶺漫勞洗甲挽銀河彭城回首哀鴻滿千里關山鄉思多

送陸稼堂中丞

應穀

權撫中州

木犀詩金卷之二
山川能說古人才曾踏千巖萬壑來幾度籃輿尋吉壤
重聞畫戟出中臺匡廬瀑布吟情減嵩岳晴雲倦眼開
指日駢征辭闕下一樽未暇共裴徊

聞三兒祖芬歿於輝縣

父母愛子心賢愚齊一致汝雖少不文猶能了人事棘
闡三見黜屈志求爲吏策馬河干行牽筇三改歲隄成
敘微勞晉秩叨優異五載武城丞貧薄傾其笥前年擢
爲令衛地牛刀試勗以守官箴家書累牘寄方期能自
立盡心勤撫字不負一命榮庶成百里治何圖罹短折
凶問忽然至驚疑一紙書痛甚轉無淚越日始招魂舍

涕寫虛位逝者長已矣後事烏能寘奔喪千里行弱弟
猶強毅自憐白髮翁何堪幼孫底頻年叨厚祿僅詠釜
鬻慨老去羨歸田田磽艱賦稅惟餘屋數椽還堪風雨
蔽蔬布但苟完故鄉終樂地人海逐浮名素餐道所棄
投杖自省愆虛聲造物忌

哭弟

少小痛鮮民庇賴伯與叔父田猶可耕父書曾共讀汝
更善經營衣食粗能足幾度逐槐黃卞和終朋足棄置
從所好堪輿及醫卜肆力古文詞大言或駭俗天涯有
知心古體周秦目持用藏名山壽世心彌篤脫畧溷漁

樵艱難謀似續一子已成童負薪人有屬除此盃中物
於世無所欲大暮古今同六十壽非促雁行悲折翼痛
我生如獨憶昔詠蒿莪分飛雨黃鵠中年偶相依聽雨
同茅屋臨池墓碑碣闢圃栽松竹頗慕耦耕風怡然共
齏粥洎我游長安汝獨栖空谷彈指二十春乘輅故鄉
復相隨閭嶠行卒歲歸舟速比還省松楸山徑聯幽躅
蓬窗一樽酒送我過射瀆相約早歸田共玩南山菊此
別竟千秋攪亂我心曲

感懷

名位皆外來骨肉連生理何堪十日間哭弟復哭子念

我少荼苦哀哀失怙恃同氣有四人今喪其半矣惟餘
一女兄雖老猶健在相見知何時關山幾千里蓬頭膝
下兒喪母當稚齒辛勤盼成立承家望後起奈何中摧
折值此宰邑始捧檄空增歡祿養終何俟磬磬眾黃口
哺糜還我待人事多齟齬歲月驚遷改何堪白髮翁竊
祿不知止自憐薄祜人居世多憂悔老矣不勝憂息心
觀流水

憶閩三首

夏庭鋪落葉夜樹啼幽禽此是閩中景他鄉不可尋
巷有百年古木地無三里平原曉霧低迷城郭寒泉喧

沓冬山

尺布纏頭赤腳行
越王山下賣花聲
何人肯向溫泉浴
擔得溫泉更入城

夏日園居

湖隄垂柳碧絲絲
策馬薰風退食時
客到炎天迎欲倦
書來滄海答還遲
厭閒叢薄喧知了
愛聽兒童讀學而
巢父一枝聊可借
園林佳景况如斯

園係孔修
師別業

送徐松龕太僕典試蜀川

聞海風濤攪宦情
閒官重喜住神京
蠻煙萬里辭烏石
卿月二霄照錦城
劍閣秋雲迎匹馬
草堂舊址待雙旌

青蓮詩筆相如賦定有仙才入鑒衡

六月初六日

駕幸玉泉山靜明園隨扈恭紀

曾扈

先皇法駕來泉聲依舊歲華催三年已備宅憂禮萬象
方新

景運開

宵旰心還勞楚粵登臨身已到蓬萊近臣籌筆軍書急
誰是雲臺宿將才

送曾滌生少宗伯

國藩

典試江右

南豐家學本西江玉尺論文健筆扛抗疏

彤廷才第一搜奇白屋士無雙蠡湖秋浪移青舫鹿洞
晴雲擁碧幢倚荷

皇恩三載住灑將化雨遍蘭茝

送錫鶴汀少司空

齡

典試浙江

送君校士到錢塘不負雙瞳皎夜光典學楊時尊水部
通經劉向重天潢六橋柳色霓旌擁八月濤聲棘院
涼聞道會稽多竹箭好搜楨幹貢巖廊

六月初九日

萬壽聖節朝罷泛舟至同樂園恭紀

簪笏臚歡觀

紫宸

御園佳宴荷

恩頻清歌慷慨思廉吏

大賚駢蕃逮近臣一曲薰風民解愠半篙新雨苑流春
虹橋綠水移舟處恍到蓬萊絕點塵

住易州華陀廟作

憶別僧寮又一年今來此地早秋天滿庭花木禽聲碎
中夜簾櫳月色妍展卷挑燈忘世事出門騎馬踏流泉
塵居難得閒中景計日征塗又著鞭

童僧二首

埽地焚香誦梵經
兒童知識付空冥
粗蔬他日承師業
智慧今生乞佛靈
反哺應知義
烏鳥出家依舊作螟蛉
晨鐘暮鼓催年去
只恐貪癡喚不醒

紅塵那得心無繫
一入空門自在行
不使六根爲汝累
好持五戒了平生
清風明月山中足
白粥黃齋世上輕
彈指百年駒過隙
人間萬事總忘情

篋中舊藏一扇爲癸卯秋聞中孔修師屬書者已
九閱寒暑矣因書華山碑呈還并系以詩

篋中一扇藏九年
攜之曾踏閩山顛
曾攜入閩中
歸至燕臺

又三載始得奮筆磨松煙華山廟碑八分體書於先生

之小園

時假淀園師寓以居

雖遲報命亦可喜筆意當更老於前

鳩工易州居相近師弟踵至有前緣是時新秋暑未殘
頓覺爽氣來西山吾師鴻毛輕富貴萬事隨分心安閒
欲障紅塵聊假此卧遊華岳看青蓮

孔脩師示和作復疊前韻言懷奉荅

長安走馬年復年昔時青鬢今華顛登場傀儡誰束縛
不悟人事如雲煙君不見淵明歸去柴桑徑仲蔚高卧
蓬蒿園狂歌不知白日暮泥飲常倒春風前鳥啼花笑
情自得山深林密尋無緣我今老矣如碁殘蹉跎未了

買青山豈爲竊祿不知止

主恩未報敢退閒道州烽火今乍息關心欲問濂溪蓮
重至望仙山贈魏麗泉尙書

度地初來日何知有望仙抽身非自我改卜亦由天庚戌
春初定於此山之東一里後因有砂水改建於此繞殿栽林木依山避水泉往
來勞擘畫屈指已三年

秋陰二首

秋陰漠漠淡無情曲几攤書午倦生睡起軒窗開晚霽
斷霞一片照人明

啁啾鳥雀伴人閒花木禪房水石間東嶺晴光西嶺雨

最難著筆畫秋山

柝聲

野柝聲聲喚夢醒
空街敲冷一天星
羈人塞下褰衣泣
壯士軍前枕甲聽
淒入秋風滿巖谷
送將寒月墮滄溟
何人解識聞雞舞
楚粵煙塵望杳冥

懷祖彝金陵秋試四首

一舉明經十二年
秋風幾度問青天
科名易獲非爲福
文字相知自有緣
久踏槐花成老輩

祖彝輩其姪翰孫同應試慣移

簪艇理殘篇
龍潭柳色應如昨
每憶前遊思黯然

余曾

潭柳詩憶舊友而作

清涼山下雨花臺曾記當年策馬來幾度秋光游屐冷
六朝古寺暮鐘催飄零舊侶黃墟感風雨孤帆白下開
燕子磯頭逢怒浪卅年往事首重回

秦淮河上看潮生日暮乘舟兩槳輕楊柳映波秋未老
蜻蜓點水雨初晴千家燈火無寒色五夜笙歌有倦聲
此地江山原錦繡近來蕭索若爲情

鎖院開時舉子忙白袍鵠立盡提筐喜聞主試文章伯
博得諸生意態狂燭燼三條何慘淡案牘千卷費評量
幾人收入珊瑚網分折吳剛桂子香

壬子秋懷八首

甲子周餘又一秋老來身世等浮漚笈書未了平生願
杯酒難澆亘古愁苜蓿幾時歸戰馬菱蘆滿地著閒鷗
欲尋燕趙悲歌客三易橋邊擊筑游

時在易州

十年前是水曹郎橐筆樞廬策馬忙一自鴻臚躋九列
幾回閩嶠度重陽攀髯正值星軺復執笏猶瞻日角光
畚鍤鳩工臣職掌

山陵扈從閱秋霜

聖主求賢氣象新漢廷徵召出蒲輪口碑採錄登循吏
手詔褒嘉答直臣軺鐸高懸巖谷應

絲綸廣被草萊春闕門籲俊休風古象魏欣瞻政事醇

木犀詩金卷之二十一
鸞鳳羣栖玉樹林
鵲鴝枳棘未懷音
封圻久失撫綏術
輦鼓今勞

宵旰心萬竈移來
旗翼翼三城克處
馬駸駸司農籌餉
知非易只盼檻車
早就擒

平生未肯學申韓
讀律方知明允難

寶錄初膺逢大赦
祥刑佐理喜從寬
畫衣虞陛成龐俗
笞背唐廷戒獄官
自古持平于定國
休從酷吏傳中看
浮沈宦海幾無家
奉使曾乘八月槎
理學餘風思尙友
文章末技漫相誇
迂儒結習心常苦
樞院新參髮已華
自覺散材膺重任
百僚清議得毋譁

莫將經濟誤蒼生制度由來重變更
新法必行終亂宋驛夫無賴竟亡明
只祈水旱天灾少不患錢刀內府傾
欲盡十年休養術先聽輦鼓罷南征

葑水西頭一畝宮四時花木各成叢
當年春宴招羣季此日天涯滯老翁
誓墓無文心卻羨歸田有錄恨難工
只慙同社諸先輩收拾煙霞杖履中

問梅詩社諸先生
皆游林下十餘年

山齋讀書十首

乘橋一出仙霞嶺彈指三年展卷稀
偶向山林搜故篋渾忘塵土撲征衣
璣衡法象思探奧河洛心源欲測微
柴几焚香尋繹處春風沂水瑟方希

十翼先覩闕里文庖犧千載述前聞卦爻氣自中孚起
儀象生從太極分漢代尊師明授受邵生創說苦紛紜
靈蓍五十通天地端策人來三沐薰

結繩以上無文字鼈足空聞奠古皇八索已亡勞想像
三墳是僞識荒唐惟餘孔壁遺編在猶有今文聚訟忙
堪歎伏生年九十可能口授免遺忘

六代文人淪釋老千鈞一髮仗王韓詩書續處遺文古
性道原來大路寬體認後儒心更密蒐羅往籍義加完
龜山不解西銘意胞與還將兼愛看

考亭小學誘羣兒愚智皆堪奉作師朱陸異同休立辨

顏曾魯魯早分歧惟於訓世宜崇實若論單心只獨知
罕聽尼山言性道精微恐啟後人疑

名物都收爾雅中二程訓詁蹈虛空庸常詎可稱爲定
格正何堪釋作窮攘臂諸儒難解惑平心舊說豈無功
曲臺古本今猶在新建安溪論不同

雨粟曾聞造字初籀斯再變古人書鵠頭蛟腳今難見
鐵畫銀鈎法不疎什襲殘碑荒徼外搜尋蠹簡劫灰餘
可憐祭酒生猶晚穿鑿何堪更二徐

大夫宜擅九能才慕效還從博覽來須識文章奇偶雜
漫驚體製古今該百家肴饌嘗初遍九鼎牲牢擬列陪

只恐野芹無異味，易牙舉箸卻疑猜。

大雅聲沈瓦缶喧，起衰七子古風敦。
參軍體俊縱橫便，靈運才多刻畫煩。
後代仙心沿二派，當時隻手闢重門。
天真我愛陶彭澤，好比清泉別有源。

海內名山著作多，蠅身天地欲如何。
待看腕底千花發，安得胸中萬卷羅。
尺幅青氈消晚歲，兩行紅燭付秋波。
東方脣腐情猶壯，短髮蕭蕭撫劍歌。

山行有作

山石犖确折馬蹄，車中行客愁顛簸。
行行欲渡一溪水，水中輟深一尺泥。
水石行盡岡巒見，萬松繞徑大十圍。

幽香撲簾客欲醉如聞妙諦心胸開華蓋山青擁螺髻
瑟瑟爽氣從西來清鐘一杵古寺出寒蟬滿樹秋風催
石泉淙淙近復遠山花寂寂幽更奇停車坐石一長嘯
崎嶇歷盡舒我懷平生獨抱游山癖支硎鄧尉曾採梅
黃塵走馬老將至猿愁鶴怨人疑猜武夷九曲行未到
太姥一圖攜自隨余入閩未至武夷友人贈太姥山圖攜歸以當卧游偶然入山
得佳境何異五岳游初歸故山舊侶多豪興芒鞋竹杖
何處同徘徊

望仙山寄懷柏靜濤

殿宇出崔巍佳城鬱壯哉觀成資眾策經始仗君才華

卷之十六
三
蓋蒼煙裏平橋綠水隈地靈基自固萬禩闕宮開

山齋秋夜書懷

山齋夜坐月朦朧領畧幽情一卷中露下空庭鳴蟋蟀
風來隔牖落梧桐青燈冷味平生慣白屋秋心異地同
聞說三吳望雲漢桔槔聲滿石湖東

孔脩師寓齋盆桂盛開有詩見示和韻

花石園庭絕點塵盆移金粟一枝新秋山佳處堪留客
月窟攀來漫羨人遍插茱萸情莫遣

師有悼夢堂
令弟詩見示

濃承

沆瀣氣相親槐黃時節追隨久滿眼風光又此辰

癸卯
秋試

提調順天闡師爲監臨會隨侍一
月之久今又屆壬子秋試之期

秋蟬和孔脩師韻

今年殘暑去還留聽罷蟬吟欲送秋疏比瑤琴非有恨
飲餘珠露更何求飛鴻天際聲相荅老樹山中葉尚稠
淒韻還堪醒俗耳涼飈吹和響颼颼

車中看山懷宗山袁生四首

肩輿得得曉燈明風鐸聲中客夢清一幅秋山行旅畫
丹青還欲倩袁生

袁生畫法李營邱萬壑千巖筆底收浣盡塵襟情澹宕
閒雲天際共悠悠

瀟洒君真避俗人閉門邱壑自生春閩山踏遍崎嶇路

寫出煙巒面目新

武夷九曲不曾探太姥空圖路未諳天下名山多巔絕
更無平遠似江南

題元人詩十二首

松雪詩篇似晚唐峨眉亭句劇蒼涼空餘故國王孫淚
獨上西湖平夕陽

陵川慷慨慕荆卿憶繫真州虎口生花月哀吟遭世變
黃金臺下動豪情

蘭溪州判擅清詞寒雨殘燈寄友詩題畫千秋留翰墨
縱橫米老醉吟時

薊門策馬起新愁
落日西風渡白溝
吟到孤雲心迹冷
柴桑高趣卷中收

避亂吳門賃廡
栖子虛人望伯鸞
齊翠寒詩句追長吉
一曲爭傳烏夜啼

道園骨格劇清蒼
夕露春陽覓句忙
一代文人誰巨擘
歐曾已往數奎章

詞曲淫哇八十年
寥寥數子古詩篇
清江教授才還雋
磊落長歌似謫仙

詩名藉甚揭文安
五字長城大厯間
賦月南樓有佳句
參軍俊逸可追攀

晉卿鑱削六朝餘韋柳清才律不疎更有括蒼周處士
此山吟裏半樵漁

雁門風調玉谿才洗鍊還從十子來一代詩名齊曼碩
關河鴻雁出新裁

百首新翻樂府詞閒評史事露瑰奇誰知楊柳樓臺句
大好丰神杜牧之

疏越朱絃希世音故應高士傳中尋戲從城市營邱壑
疊石今傳獅子林

禪房卽景

維摩丈室晚涼生靜裏光陰別有情塔近時聞鈴鶴響

山空遙蒼木魚聲閒庭雜果因風落佛榻孤燈照夜明
未得禪門真意味暫來還覺夢魂清

齒落有感

我年五十四齒始落其一遘疾在閩山同時三齒脫兩
齒又搖動塗藥得方術居然危復安大嚼求鼎實及今
三寒暑其一仍枹杙不復覓醫方聽其自殘缺晨餐疑
骨鯁吐視知此物當年苦挽留終然與我別惟人老將
至大暮歸有日服食祈長生反恐生機窒神氣已中積
久視安能必不如任自然順受完天質

哭太師杜文正公二首

炎風苦雨撲雙旌山左江南秉節行

時因水災赴山
東江蘇查賑

噩

夢傳來驚白髮

尊甫石樵光
祿年近九旬

使星隕處痛蒼生非因宏

獎悲知已只爲思艱惜老成公作完人誰復憾

至尊銜涕若爲情

曾陪水部更秋官案牘雖繁仔細看但覺和光春共被
豈知介節凜難干傳巖啟沃人誰識虞陞廣颺願未完
太息天慳遺一老不教待到萬方安

張叔寄詩見懷適余于役易州未及奉荅歸次盧
溝成一律報之

江郎妙筆豔生花投我詩篇卻不華言可起予思校士

貧來驅汝欲辭家，
禰衡懷刺情難已。
王粲登樓願莫賒，
秋盡盧溝風獵獵。
葛巾憔悴念天涯。

送程榜香副憲庭桂乞養南旋

祿養何須論，
嗇豐萊衣菽水古賢同。
冰銜視草西臺峻，
玉尺衡文北地工。
譜到白華書座右，
歸時黃菊照籬東。
恩親戀闕心無限，
都在陳情一表中。

香山靜宜園瀑直恭紀

九老當年佳宴開

乾隆時舉香山九老宴繪圖中禁先曾祖尚書公與焉

五雲深處

處

翠華來蒼顏圖像留中禁紫閣文章落上台

有御製詩諸

臣廣和豹仗今隨還信宿鳳池仍許共徘徊詞臣榮遇懷

先哲

先尚書值南齋四十年

承乏螭坳愧不才

附錄春浦相國和作

秋林絢爛嶺雲開曾見三班九老來

乾隆二十六年賜三班九老

宴游香山蓋以文武職及致仕大臣各九人爲三班也時尚書公爲致仕九老之一香案詞臣

感先澤樞垣峻望接中台欣陪瀑直簪毫侶每羨登

高作賦才卅載南齋慙後輩白頭吟望重低徊

卧佛寺

夕陽古寺草青青一卧千秋土木形善到菩提難自立
甘爲大夢不須醒拂衣塵海知何日高枕空山願乞靈

安得眞僧來喚起教他圓覺誦禪經

讀杜少陵詩和孔脩師韻

劍外蒼涼白髮侵滿腔幽憤托狂吟胸中巫峽波濤壯
病裏滄江歲月深盡掃浮華追正始力扶大雅振元音
浣花心事存忠愛接迹風騷思不禁

附錄原唱

寂寂蕭齋月色侵閒攜詩卷漫長吟蟲聲四壁客懷
靜花影一簾秋氣深磊塊自澆名士酒蒼茫獨創盛
唐音江湖滿地誰知已千載低徊感不禁

宿靜默寺作呈春浦相國

古寺幽深靜掩扉，撲窗風力夜來微。
藥鑪酒盞居相伴，竹迳苔門客到稀。
曉霧霑衣燈火暗，寒雲披絮雪花飛。
金黿退食芳鄰卜，計日移家便似歸。

贈陶槎仙司馬際堯

白髮相逢話別離，簪毫藥省憶肩隨。
摘來蘭芷新篇富，貢到楸楠大厦支。
君由常德解木入都蒿目干戈思舊治，關心泉石數歸期。
欲從越水吳山畔，且學巢林借一枝。

臯薌閣學蒙賜紫禁城騎馬詩以奉賀

歸田無計隱金門，三接欣承

錫賚繁鶴步。久推腰腳健，馳乘更覺雪霜溫。容臺典禮

標清望

時權少宗伯

粉社聯吟重達尊愧我著鞭先老輩

余於

元旦先叨

恩賜

來朝並轡謁

宸垣

春浦相國見和靜默寺作再用元韻奉荅

鳴珂日午下

綸扉晴雪軒窗望翠微盤錯匡時元老

健從容退食故人稀雁鴻澤畔勞安集芻粟軍前滯輓
飛獻舊丹忱圖報

主家山雖好敢懷歸

附錄和作

玉螭橋西雙板扉移家恰喜雪霏微芳鄰到處追隨

共舊兩年來唱和稀杜老每懷軍國計陶公閒看岫
雲飛敝門忽得新詩句把卷渾忘退食歸

立春日恭進春帖子詞三首

先甲三陽轉

立春在除夕前三日

元辰萬象新屢豐占上瑞寰宇

荷

皇仁

隔歲祥雲兆有秋大田百穀慶霑優

覃敷閭澤裁

丹詔鼓腹春臺遍九州

恩榜開時

教澤深歡聲早已動儒林園橋壁水修

文治南國飛鵝懷好音

明年二月舉行
臨雍盛典

十二月十九日蒙

賜御書福壽字翌日又

賜龍字恭紀

高廟當年

錫福頻豸冠拜

賜記先臣

乾隆中先曾祖由南書房翰林仕至尚書履
賜福字惟任左都御史時所賜一方余於

尊藏
於家

四朝恩遇曾孫逮百歲韶光壽寓臻

王殿揮毫

顏有喜蓬門懸壁坐生春

龍書更荷

璇題賚他日亭中勒石新

余家有東壁亭石刻康熙朝御書唐人句一首又南

巡至闕門

御製詩一首皆

賜先五世祖南昀公者

又雍正朝

御書楹聯東澗野泉添碧沼南園夜雨長

秋蔬二句係

賜先曾祖芝庭公者又乾隆朝御書

慈竹春暉四字額係

賜先高祖母七十壽者今蒙

賜御書他日得歸故里當

勒石亭中以志數傳榮遇

立春日進春帖子詞蒙

賜筆硯牋紙恭紀

應制詩慚燕許工漫將下里入絲桐祇因故事宜春祝

得與詞臣拜

賜同結習未忘柔翰弄韶光將轉墨池融簪毫待草班
師 詔喜起賡歌 玉殿中

歲除蒙

賜文綺玉磬恭紀

籌筆無功愧俸錢歲除

寵資近臣偏漫誇文采章身美好聽清聲夏玉傳黼黻
輝時思命服珍琳鏘處憶宮懸戰袍未卸饒歌緩孤負
君恩又一年